



TOSHKENT HAQIQATI

1928-yil 11-dekabrda asos solingan

Оммавий сайёр қабуллар

ОДАМЛАРНИ ТИНГЛАШ – БУГУННИНГ МУҲИМ ТАЛАБИ

Аввал хабар берганимиздек, жойларда республика ҳамда Тошкент вилояти ишчи гуруҳининг оммавий сайёр қабуллари давом этмоқда.

Навбатдаги сайёр қабул Оҳангарон тумани, Ангрэн, Оҳангарон, Олмалик шаҳарлари аҳолиси учун Оҳангарон шаҳридаги истироҳат боғида ўтказилди.



Унда уй-жой учун субсидия, тадбиркорликни бошлаш учун кредит маблағлари ажратиш, ер бериш каби турли масалаларда муурожаатлар бўлди. Уларнинг айримлари ўрганиш учун масъулларга йўналтирилган бўлса, аксариятига

шу ернинг ўзида ечим топилди. Жумладан, Ангрэн шаҳрининг "Гўзал" маҳалласидан келган Зебинисо Рустамова уй-жойи таъмири учун ёрдам сўради. Муурожаати ижобий ҳал этилиб, "Саховат ва кўмак" жамғармаси маблағларидан 10

млн. сўм бериладиган бўлди. Олмалик Шаҳноза Шамсиева талаба. У контракт тўлови учун мутасаддилардан ёрдам сўради. Бу муурожаат ҳам шу ернинг ўзида ҳал этилди. Шу каби муурожаатлар жойида ўрга-

нилиб, кўплаб эҳтиёжманд оилаларга пул маблағлари ажратилмоқда. Оммавий сайёр қабуллар давом этмоқда.

Тошкент вилояти ҳокимлиги Ахборот хизмати олган сурат

Кучли Фуқаролик жамияти сари

МАҲАЛЛАГА МУНОСИБЛАР БОШ БЎЛСИН

Хабарингиз бор, шу кунларда республикамизнинг барча ҳудудларида бўлгани каби вилоятимиз маҳаллаларида ҳам фуқаролар йиғинлари раислари (оқсоқоллари) сайлови бўлиб ўтмоқда.



Тошкент туманидаги "Дийдор" маҳалласи аҳолиси сайловни юқори кайфиятда ўтказишди. Сабаби, яқинда улар "Опен бюджет" орқали ички кўчаларни асфальтлаш учун 1 миллиард сўм ютиб олишди. Сайловда амалдаги оқсоқол Фаррух Шариповни қайта сайлашди. Чунки, маҳалла ободлиги учун хизмат қиладиган раисга ишонишади. Тумanning "Кўксарой" маҳалласига янги сайланган Муроджон Набиев ҳам ўзининг 3 йиллик даври билан аҳолини ишонтира олди. Ёш раис белни маҳкам боғлаб, ишга киришди. Маҳаллада фаолиятини бошлаган янги "Нуронийлар маркази" нафақат ёши улуг инсонларни, балки ёшларни ҳам қувонтирди. Нуронийлар раисга омад тилаб, дуо қилишди.

Шунингдек, "Шамсиобод", "Кенсой", "Гултепа" маҳаллаларида ҳам сайловлар уюшқоқликда ўтди. Сайловларда номзодларнинг халқ орасидаги обрў-эътибори, дунёқараши, ёши ва маълумоти, муаммоларни ҳал қила олиш салоҳиятига алоҳида эътибор қаратилди. Чиноз туманининг "Мевазор" маҳалла фуқаролар йиғини раиси (оқсоқоли) сайлови тумандаги 5-сонли умумтаълим мактаби биносида ўтказилди. Икки номзод йиғилганларга ўз дастурлари ҳақида қисқача маълумот беришди. Овоз бериш жараёнининг яқиний натижаларига кўра, Хурсанали Жўраев раис этиб сайланди.

– Сайловларнинг уюшқоқлик билан ўтишида худудимиздаги ҳар бир сайловчининг ҳиссаси бор, – дейди Чиноз тумани маҳалла раислари сайловини ўтказиш бўйича кўмаклашувчи комиссия раиси Фуқрат Хидиров. – Фуқароларимиз ўз маҳалласи тақдирини, унинг гуллаб-яшнаши кўп жиҳатдан сайланадиган раисга боғлиқлигини ҳис қилган ҳолда сайловларда фаол қатнашишмоқда. Туманимиз бўйича 55 нафар раисни сайлаш кўзда тутилган бўлиб, ҳозирга қадар ушбу муҳим тадбир 29 та йиғинда бўлиб ўтди.

Тумanning "Истиклол" маҳалласида уч мингга яқин аҳоли истиқомат қилади. Сайлов жараёнида 205 вакил номзодларнинг дастурларини диққат билан тинглашди. Маҳаллани ободонлаштириш, ёшларни турли тўғарақларга жалб этиш каби аниқ ташаббуслар билан чиққан Мирзаодил Ақромов раис этиб сайланди. Маълумот учун бугунги кунга қадар вилоятимиздаги 531 та (52,1 фоиз) фуқаролар йиғинларида муҳим сиёсий жараён бўлиб ўтди. Эътиборлиси, жойларда сайловлар қуттилганидан ҳам қизгин кечмоқда. Бу юртдошларимизнинг ҳуқуқий саводхонлиги ошгани, маҳалласи, эртанги кунга дахлдорлик туйғуларини ортиб бораётганини кўрсатмоқда.

Эслатиб ўтамиз сайловлар 10 июнга қадар давом этади.

НОЗИМА РАСУЛОВА
Г'ШОКНИ
Аброр ЭСОНОВ
олган сурат

Ёзги таътил – 2022

КИМЛАРГА ИМТИЁЗЛИ ЙЎЛЛАМЛАР БЕРИЛАДИ?

Кунни кеча Вазирлар Маҳкамасида ўтган йиғилишда болаларни дам олдириш ва соғломлаштириш мавсумига тайёргарлик кўриш ҳамда уни ўтказиш чора-тадбирлари тўғрисидаги масала муҳокама қилинди. Унда тегишли вазирлик, идора ва ташкилотлар, маҳаллий давлат ҳокимияти органларига мавсумини юқори савияда ва сифатли ўтказиш, ҳар бир ҳудудда

Жорий ўқув йили тугаб, ёзги таътил бошланишига санокли кунлар қолди.

Ўқувчилар ёзги таътилни мазмунли ўтказишида ва мароқли ҳордиқ олишида соғломлаштириш оромгоҳларининг ўрни катта. Фарзандларимизни тоғли, баҳаво масканларга юборар эканмиз, уларнинг хавфсиз шароитда мириқиб дам олишини, ёрқин таассуротлар билан соғ-саломат қайтишини истаймиз.

мавсумга тайёргарлик ишларини чуқур ўрганиш, у билан боғлиқ масалаларни жойида муҳокама қилиш, мавжуд камчиликларни бартараф этиш бўйича аниқ вазифалар юклатилди.

(Давоми 2-саҳифада)

Куншироқлар сўнги, қадамлар янги



Сўнги куншироқ... Унинг жаранги ўқувчилик даврининг ёдга солади. Шунингдек, йиллар давомида ўз фарзандидек бўлиб қолган ўқувчиларини катта ҳаётга кузатаётган ўқитувчи ва мураббийлар қалбини ҳам тўлқинлантиради.

ришга қаратилди. Сўровномалар натижасига кўра, 9-синф битирувчиларининг 4 минг 735 нафари академик лицей, 9 минг 951 нафари касб-хунар мактабиде, қолганлари эса ўқишни мактабда давом эттириш истагини билдирган.

(Давоми 4-саҳифада)

Жорий ўқув йилида вилоятимиздаги 886 та умумтаълим мактабларининг 11-синфини 30 минг 624 нафар, 9-синфни эса 42 минг 414 нафар ўқувчи тамомламоқда. Хусусан, битирувчилар ўртаси-

да ўтказилган сўровномаларда асосий эътибор ўқувчиларни таълимнинг кейинги босқичига қамраб олиш, уларни ижтимоий ҳаётга тайёрлаш ва ўзлари қизиққан касб-хунарга йўналти-

Назорат

НЕГА ПАЙСАЛГА СОЛАСИЗ?

Тан олиш керак, кўп ҳолларда солиқдан қарздорликни ўз вақтида тўлашни пайсалга соламиз. Токи, солиқчи эшигимизни тақиллатиб келмагунича пинагимизни бузмаймиз. Тегишли чоралар кўрилганда эса турли норозиликлар юзага келади. (Давоми 3-саҳифада)

Яхши хабар

Янгийул туманининг Гулбаҳор шаҳарчасида иш бошлаган "Агромарказ" қишлоқ хўжалиги йўналишида хизматлар кўрсатиш учун ташкил этилди.

Гулбаҳорда "АГРОМАРКАЗ" ИШ БОШЛАДИ

Очилиш маросимида туман мутасаддилари, тегишли ташкилотлар вакиллари ҳамда нуронийлар иштирок этишди. "Агромарказ" томорқа ер эгалари, деҳқон ва фермер хў-

жаликлари, кластерлар, аҳоли томорқалари ва қишлоқ хўжалигининг барча бўғинларига хизмат кўрсатади. Янгийул тумани ҳокимлиги Ахборот хизмати



Қарвон кўрдим... туялари Қибрайдан



Қадимдан чўлу биёбонда савдогарларнинг қарвонини кўм бўронлари, қишнинг изғиринию ёзнинг жазирамасида беталафот манзилига етказган туяларни одамлар "саҳро кемаси" деб аташган. Ёзма манбаларда қайд этилишича, ота-боболаримиз милoddан икки минг йил илгари туячилик билан шуғулланишган. Шундан бери беминнат юк ташувчи, гўшти, сутини ва жунини қадрладиган бу жонивор инсоннинг энг яқин ҳамроҳига айланган.

Матонат



Халқ депутатлари Тошкент вилояти Кенгаши ҳузурдаги нодавлат нотижорат ташкилотлар ва фуқаролик жамиятлари бошқа институтларни қўллаб-қувватлаш жамоат фонди

Баъзан тўрт мучаси соғ бодамларнинг турли ташкилотлар ёрдам бермаётгани ҳақидаги иддаоларини эшитиб, ҳайрон қоламиз.

Уларга ногирон бўлсада, бировга оғирини туширмай, ўзини элашга ҳаракат қилаётганларни ибрат қилиб кўрсатгимиз келади.

Бир-бирини қўллаб ЯШАЁТГАНЛАР

фуқаролик жамиятининг ҳуқуқий кафолати мавзусида эълон қилган Давлат гранти ва давлат ижтимоий буюртмалари бўйича 2-танловнинг якунлари бўйича ғолибларни тақдирлаш маросимида

маротаба жарроҳлик амалиётини бошдан кечирган. Уни яна иккита шундай синов кутмоқда. Аммо шунча қийинчиликларга қарамай, матонат билан яшаш учун курашиб келаётган Шаҳноза ўзи кабиларга ёрдам қилишга шойилади.

банд этиш мақсадида тикувчилик цехи фаолиятини ҳам йўлга қўйган.

Айримлар ногиронлиги бор шахсларга ўзгача нигоҳ билан қарашади, дейди Шаҳноза. Аммо уларнинг иродаси мустақам бўлишини билишмайди. Жамиятни очишдан мақсадимиз эса тушкун ҳолатдаги, умидсизликка тушганларнинг ҳақ-ҳуқуқларини ҳимоя қилиш, уларнинг ҳам ҳаётдан баҳра олиб, тўла-тўқис яшашлари учун кўмаклашидир. Бу ерда

Шаҳноза Мустафоева 37 ёшда. Болалигидан II гуруҳ ногирони. Шаҳноза шу кунгача 11

ўзим кабилар билан дугона бўлиб, уларни касбга ўргатиб, иш билан таъминлашга ҳаракат қиламан.

Ўтган йили мазкур жамият иккита давлат грантини қўлга киритди. Грант маблағлари эвазига спорт анжумлари, тикув машиналари харид қилинди. Ҳозирда спорт залида 40 нафардан зиёд аёллар 2 гуруҳда машғулотларга қатнашиб, соғлиқларини тиклашмоқда. Шунингдек, тикувчиликни ўрганган 10 нафар хотин-қиз иш билан таъминланди.

Олий маълумотли бўлишни орзу қилган Шаҳноза ўтган йили Ўзбекистон миллий университетининг "Ижтимоий иш" факультетига грант асосида ўқишга қабул қилинди.

Дарҳақиқат, орамизда Шаҳноза каби матонатли инсонлар кўп. Улар ҳар бир кунларининг қадрига етиб, шукр қилиб яшайдилар.

Нигора УРОЛОВА /Тошкент ҳақиқати/ Муаллиф олган сурат

Вилоят буйлаб

ОҚҚҮРҒОН тумани ҳокими Туркиянинг Истамбул шаҳрида ёшлар ва катталар ўртасида спортнинг кикбокс тури бўйича бўлиб ўтган жаҳон чемпионатида ғолибликни қўлга киритган Достонбек Илйосов ва Аббос Абдухалиловга эсдалик совғалари топширди.



БЎСТОНЛИҚ тумани ҳокими Ж. Аҳмедов бошчилигидаги сектор раҳбарлари фуқаролар учун навбатдаги сайёр қабул ўтказишди. Жараёнда фуқаролар томонидан йўлланган кўплаб мурожаатлар жойида ҳал этилди, қолганлари бўйича тушунтиришлар берилди.



ВИЛОЯТНИНГ ИККИТА ШАҲРИДА ЯНГИ ҲОКИМЛАР ИШ БОШЛАДИ



Райимов Алишер Абдумаликович Ангрэн шаҳар ҳокими этиб тайинланди. Тайинловга қадар "Худудгазтаъминот" акциядорлик жамиятининг "Табиий газни ҳисобга олиш ва назорат қилишнинг автоматлаштирилган тизими лойиҳасини жорий этиш дирекцияси" филиали директори лавозимида фаолият юритиб келаётган эди.

Бабаев Насрулла Нуруллаевич Бекобод шаҳар ҳокими этиб тайинланди. Н. Бабаев Бекобод шаҳрида туғилган. Тошкент архитектура ва қурилиш институтини тамомлаган. Лавозимга тайинлангунга қадар қурилиш вазири ўринбосари лавозимида фаолият юритган.



КИМЛАРГА ИМТИЁЗЛИ ЙЎЛЛАНМАЛАР БЕРИЛАДИ?

Ушбу топшириқлар ижросини таъминлаш мақсадида Санитария-эпидемиологик осойишталик ва жамоат саноатлиги хизмати ва унинг Тошкент шаҳар бошқармаси ходимлари, Касаба уюшмалари федерацияси, ИИБ, Миллий гвардия, ФВВ ходимларидан иборат ишчи гуруҳ тузилиб, (Давоми. Бошланиши 1-саҳифада)

Урганишлардан кейинги ҳулосаларга кўра, соғломлаштириш оромгоҳларида санитария талаб-қоидаларига риоя қилиш, болалар хавфсизлигини таъминлаш масалаларига эътибор кучайтирилиши лозимлиги алоҳида назоратга олинди. Хусусан, болалар хавфсизлигини таъминлаш, оромгоҳларга сифатли озиқ-овқат маҳсулотлари ва дори-дармонларни

узлуксиз етказиб бериш, маляуки кадрларни жалб этиш ва дам олиш масканларининг моддий-техник базасини мустақамлаш бўйича кенг кўламли ишлар амалга оширилди.

Назорат тадбирлари давомида оромгоҳлар раҳбарлари билан суҳбатлар ўтказилиб, жорий йилги мавсумда ҳам ижтимоий ҳимояга муҳтож, кам таъминланган оилалар фарзандлари жамоа шартномалари ва келишувлари орқали имтиёзли йўлланмалар билан таъминланиши, Мехрибонлик уйлари тарбияланувчилари имтиёзли равишда дам олдирилиши, соғломлаштирилиши, моддий ва маънавий қўллаб-қувватланиши юзасидан фикр алмашилиб, ўзаро келишувларга эришилди.

Моҳиғул ҚОСИМОВА

ЮҚОРИ ЧИРЧИҚ туманида 2022 йилнинг 1-чорақ якуни натижаларига кўра, туманининг намунали 13 нафар ҳоким ёрдамчиси Ўзбекистон Республикаси Бош вазири ўринбосари, иқтисодий тараққиёт ва камбағалликни қисқартириш вазирининг ташаккурномаси билан тақдирландилар.



Ташаккурномалар туман ҳокими томонидан тантанали равишда топширилди.

ЧИНОЗ туманининг "Самарқанд", "Ачамайли", "Еллама", "Тиллатопган" маҳаллаларида истиқомат қилувчи 4 нафар хотин-қизга Ёшлар ишлари агентлиги томонидан ажратилган тикув машиналари топширилди.



ЧИРЧИҚ шаҳар ҳокими Даврон Ҳидоятов Амир Темур кўчасидаги ободончиликларни кўздан кечирди. Ноқонуний равишда ўрнатилган ташқи реклама воситалари, санитария талабларига жавоб бермайдиган ҳолатда қурилган қурилмаларни бартараф этиш юзасидан тадбиркорлар оғохланганлигини таъминлаш борасида масъулларга топшириқлар берилди.

ЎЗБЕКИСТОНДА МАЙМУН ЧЕЧАГИ ҚАЙД ЭТИЛГАНИ РОСТМИ?

Шу кунларда дунёнинг қатор давлатларида тарқалаётган маймун чечаги инфекцияси хусусидаги саволларга Санитария-эпидемиологик осойишталик ва жамоат саломатлиги хизмати бошлиғи ўринбосари, тиббиёт фанлари доктори, профессор Нурмат Атабеков қуйидагича жавоб берди:

Жаҳон соғлиқни сақлаш ташкилотининг маълумотларига кўра, касаллик ҳозиргача 14 та давлатда қайд этилган. Хусусан, инфекцияни юқтирганлар сони 90 нафарга яқинлашгани айтиляпти. Шу кунгача ўлим ҳолатлари рўйхатга олинмади.

дерландия, Греция, Австралия, Исроил ва Швейцарияда ҳам хасталик тарқала бошлагани ҳақида хабар топдик.

Тахлилларга кўра, касаллик одатда энгил кечяпти ва беморларнинг кўпчилиги бир неча ҳафта ичида тузалиб кетмоқда.

Аслида, бу хасталик кеча ёки бугун пайдо бўлгани йўқ. Яъни, илк бор 52 йил аввал Конго Демократик Республикасида аниқланган. Касалликнинг алоҳида ҳолатлари Марказий ва Ғарбий Африка мамлакатларида кузатилган.

Шунга қарамай, ҳозир ЖССТ маймун инфекцияси кенг тарқалиб кетмаслиги учун дунё мамлакатларини профилактик чораларни кучайтиришга қақирмоқда.

Ҳўш, бу касалликдан қандай ҳимояланиш мумкин?

Дунё бўйлаб касалликнинг қайта авж олиши 7 май санасида бошланди. Шу куни Буюк Британияга Нигериядан қайтган сайёҳда мазкур инфекция аниқланди. Унда касаллик белгилари терида тошмалар топиши билан намоён бўлган. Шундан сўнг ушбу мамлакатда ўнга яқин беморлар маймун чечагига чалингани маълум бўлди.

Мутахассисларнинг фикрича, айнан маймун чечагига қарши эмлаш препаратлари мавжуд бўлмаса-да, бир қатор мамлакатлар оддий чечакка қарши вакциналар орқали бунинг олдини олишга ҳаракат қилинмоқда.

Чунки икки вирус бир-бирига ўхшаш ва шу туфайли бундай вакциналар маймун чечагини олдини олишда тахминан 85 фоизга самара бериши кутляпти.

Кейинроқ АҚШ, Канада, Испания, Португалия, Франция, Италия, Швеция, Бельгия, Ни-

Ўзбекистонда ҳозирга қадар маймун чечаги қайд этилгани йўқ. Айни пайтда ЖССТ тавсияларидан келиб чиқиб, инфекциянинг юртимизга кириб келмаслиги учун барча зарур чоралар қўриляпти.

Соғлиқни сақлаш вазирлиги Матбуот хизмати

Туялари Қибрайдан

Қибрай туманининг "Май" маҳалласида туячиликни йўлга қўйган Фарҳод Умаров ҳақида эшитиб, унинг ишлари билан танишиш мақсадида йўлга чиқдик. Аксига, биз борганимизда туяларни далага олиб чиқиб кетишган экан. Ҳеч иккиланмай, биз ҳам ўша ёққа йўл олдик.

эса одам ташишда қўл келади. Бир ўрқачлиги кўпроқ сут беради. Туялар жуда тез юради, нима берсангиз ҳам еяверади. Очиқ жойни ёқтиради, уларни қамаб боқиб бўлмайди.



Ф. Умаров ишни дастлаб 15 бош туя боқимдан бошлаган эди, ҳозирда уларнинг сони 52 тага етди. Улардан 17 таси соғин туялар бўлиб, қунига 3 маҳал соғилади, ҳар бири қунига 3,5 литргача сут беради.



Маълумки, азалдан одамлар қимиз ва қимронни камқувватлик, камқонлик, сил, нафас ва ошқозон-ичак йўллари, жигар, буйрак, юрак, асаб касалликларини даволаш учун истъом қилишган. Туя сутини фақат беморлар учун эмас, балки соғлом одамлар учун ҳам фойдали эканини замонавий тиббиёт ҳам тасдиқлайди.

Сархожаев. – Туя сутини кўпгина хасталикларга даво эканини ҳисобга олиб, туристик марказ оқиши режалаштирдик. Маҳалламиз Қозоғистон билан чегарадош. Мамлакатимизга кириб келувчи туристлар учун уйлариининг ёнида бир ўтов ўрнатиб, унда гўжа, қимиз ва қимрон сотишни йўлга қўймоқчимиз. Фарҳод акага тақлимимни айтганимди, аввалига бир оз иккилансада, рози бўлди. Яқинда ўтовни ўрнатамиз.

Хизмат сафаримиз баҳона маҳалладаги бошқа янгиликлар билан ҳам танишдик.

Эътиборимизни маҳалла худудида очилаётган боғча тортиди. Аввал нафақат бу худудда, балки ёндош 5 та маҳаллада ҳам болалар боғчаси бўлмаган экан. Бунга эътибор қаратган ҳоким ёрдамчиси Диёр Сархожаев тадбиркор билан давлат шерикчилиги асосида боғча очиб ишларга киришибди. Қишлоқ фуқаролар йиғинининг эски биноси боғча учун қайта таъмирланмоқда. Яқинда 120 ўринли боғча фойдаланишга топширилади.

Фақат бугина эмас. Ҳоким ёрдамчисининг биринчи амалга оширган иши кўчаларни шағаллаштириш бўлибди. Аҳоли қишда лой, ёзда чанг кўчалардан юриш азобидан қутулибди. Энди навбат кўчаларни асфальтлашга.

Маҳаллада ишсизликни камайтириш, тадбиркорлик фаолиятини бошлаш, субсидия ажратиш, ўзини ўзи банд қилиш бўйича ҳам жонланиш бор. Биз сўз билан айтганда, бу маҳаллада ҳоким ёрдамчисининг ишлаётгани сезилмоқда.

Нозима РАСУЛОВА /Тошкент ҳақиқати/ Аббор ЭСОНОВ олган суратлар



Мавсум неъматлари



Гилосни хуш кўрмайдиган бола бўлмаса керак. Айниқса, ўз хонадонидан пишган гилосни териб ейишнинг гашти ўзгача.

Гилос пишганда БОҒДА...

Кибрай туманининг "Ифтихор" маҳалласидаги Асадулло Убайдуллаев хонадонидан олча, нок, олма ва гилоснинг турли навлари парваришланади.

Айни кунларда гилоснинг "Майский" нави фарқ пишган. Дармондориларга бой мевадан нафақат хонадондаги набиралар, балки кў-

ни-қўшни, қариндош-уруғларнинг болалари ҳам баҳраманд бўлишмоқда.

Аброр ЭСОНОВ
олган суратлар

янгиликлари

Мағлубиятсиз серия давом этмоқда

Футбол бўйича Ўзбекистон Суперлигасининг 10-тур учрашувлари ўтказилди. Унда Олмаликнинг АГМК жамоаси Самарқандда "Динамо" клуби меҳмони бўлиб, 2:1 ҳисобида ғалаба қозонди.

Мазкур ғалабадан сўнг "Кончилар" ҳисобидаги очколар 17 тага етди. Миржалол Қосимов бошчилигидаги клуб сўнгги 7 уйиндан бери мағлубиятсиз одимлаётгани таҳсинга сазовор, албатта.

АГМК навбатдаги уйинни 28 май кунини Олмаликда Фарғона-



нинг "Нефтчи" клубига қарши ўтказилади.

"Супер" юқорилаш

АТР профессионал теннисчиларнинг янгилашган ҳафталик рейтингини эълон қилди.

Мамлакатимизнинг биринчи ракеткаси Денис Истомина ўтган ҳафтадаги ўрнидан 8, Хумоюн Султонов 5, Санжар Файзиев 1 поғона пастлади. "Shymkent II Challenger 80" турнирида ғалаба қозонган Сергей Фомин эса рейтингда "супер" юқорилашга эришди. Яъни, 838-поғонани банд этиб турган Фомин бу ҳафта ўз ўрнидан 434 поғона кўтарилиб, 404-уринга жойлашди.



Фомин ушбу юқорилаш орқали Хумоюн Султонов ва Санжар Файзиевни ортда қолдириб, мамлакатимизнинг иккинчи ракеткасига айланди.

Биттадан олтин ва кумуш

Англиянинг Манчестер шаҳрида пара тазқвондо бўйича Европа очиқ чемпионати бўлиб ўтди.

Эрақлар ўртасидаги беллашувларнинг -80 кг. вазн тоифасида Туркия, Сербия ва Буюк Британия вакиллари қарши баҳс олиб борган ҳамюртимиз Асадбек Тоштемуров яқунда делегациямиз ҳисобига кумуш медални қўшиб қўйди.

Ушбу натижадан сўнг, вакилимиз Париж-2024 ёзги Паралимпия уйинлари учун 15 рейтинг очкосига эга бўлганини алоҳида таъкидлаш жоиз. Аввалроқ, мазкур турнирнинг аёллар ўртасидаги



бухсларида ҳамюртимиз Гулжаной Наимова олтин медални қўлга киритган эди.

Суҳробжон САДИРОВ
Тошкент ҳақиқати/
тайёрлади

Кўнғироклар сўнги, ҚАДАМЛАР ЯНГИ



Ўзбекистон Республикаси Халқ таълими вазирлигининг тавсияларига қўра, "Сўнги кўнғирок" тадбирларида ўқув йили давомида ўз қўбиллиги ва иқтидори билан билимлар беллашуви, турли спорт мусобақаларида юқори ўринларни эгаллаган ўқувчилар тақдирланади.

"Сўнги кўнғирок" тадбирлари мактаб битирувчиларининг ҳаётида энг уну-

(Давоми. Бошланиши 1-саҳифада)

тилмас кун бўлиб қолади, дейди Тошкент вилояти Халқ таълими бошқармаси бошлиғи Азамат Камалов. Чунки шу кунни улар катта ҳаётга қадам қўядилар. Шу сабабдан вилоятимиздаги мактабларда ушбу тадбирга пухта ва қизгин тайёргарлик қўрилади. Халқ таълими вазирлиги ишлаб чиққан тавсияларга қўра, тадбирлар мактаб ҳовлисида ёки очик майдонларда ўтказилиши, мактаб ҳудудига бегоналар-

нинг киритилмаслиги, битирувчилар турли қўшимча тадбирлар ва сайрлар ташкил этмасликлари юзасидан тушунтиришлар олиб борилди.

Нозима РАСУЛОВА
Тошкент ҳақиқати/
Аброр ЭСОНОВ
олган суратлар

Тахририятдан: "Сўнги кўнғирок" тадбирлари тафсилотлари, битирувчилар ва устоз-мураббийларнинг дил сўзлари билан газетамизнинг кейинги сонидан танишасиз.



Манга гап
Ўз вужудингга тафаккур айлагин,
Ҳар не истарсен, ўзунгдин истагин.
Алишер Навоий

Талаба кундалигидан



ЕВРОПА адабиётини қийнайтуган саволлар:

1. Яшадан маъно нима?
2. Айрим қадимги халқлар адабиёти ҳамон таржима қилинмади. Қадимги тилларни ўрганишни қай йўсин ривожлантириш мумкин?
3. Йигирма биринчи асрда инсон психологиясини тасвирлаш учун қандай адабий янгиликлар кашф этилди?
4. Постмодернизмдан сўнг метамодернизм майдонга чиқди. Яқин кунларда у ҳам эскирса нима бўлади?
5. Шимолий Европа мамлакатлари адабиёти нега чўка бошлади, ирланд адабиёти биринчиликка чиқиб олди?
6. Инсон мавзусини ёритаркан, унинг эзгу ва ёвуз қирраларидан ташқари бугунги кунда яна қайси тарафларига эътибор қаратиш лозим?
7. "Дон Кихот"дан кейин бошланган романнавислик даврида

- пешқадамлик қилган ёзувчилар нега машҳур?
8. Сиёсатнинг адабиётга аралашувини қай тарзда камайитириш мумкин?
10. Қадимги халқлар афсоналарини қайта адабиётга олиб кириш, Европа қадриятларини тирилтириш керак. Қандай?
11. Нобель олганларнинг нечтаси бу мукофотга лойиқ эди ва нега?
12. Нобель адабиёт даражасини белгилаб бермайди. У сиёсий кўғирчоққа айланди. Янги мукофот жорий этсакми-кан?
13. Франция Польшага қараганда ўз адабиётига кўпроқ эътибор қаратапти, аммо Польша ёзувчилари нисбатан фалорқ ижод қилишяпти. Ниманинг ҳисобига?
14. Глобаллашув адабиётга нечоғлик таъсир кўрсатади?
15. Оламнинг энг буюк сирлари нима?



Ўзбек адабиётини ўйлантирадиган саволлар:

1. Зайнаб айбдормиди?
2. Навоий нега уйланмаган?
3. Лотин алифбосидаги китобларни кўпайтиришимиз керак...
4. Ёшларнинг маънавиятини ошириш учун қандай асарлар ёзсақ экан?
5. "Тошкент сити"ни дostonларда мадҳ этган яхшим, ё романларда?
6. Зоминга борган мана бу боланинг Ватан ҳақида шеъри йўғакан. Китобини чиқаравармизми?
7. Ёшлар модернизмга берилиб кетмаслиги учун зулфияхонлик кечаларини қаерда ўтказса бўларкин?
9. Коллеждаги учрашувга бир шоир сўрашяпти, ким боради?

Мирзоҳид АБДУЛЛАЕВ,
талаба



Muassis:
TOSHKENT VILOYATI HOKIMLIGI



"Toshkent haqiqati" va "Tashkentskaya pravda" gazetalarini tahrir hay'ati:

- Zoyir MIRZAYEV
(tahrir hay'ati raisi)
- Ummat MIRZAQULOV
- Hotamjon SAYDAHMEDOV
- G'afurjon MUHAMEDOV
- Mahmud TOIR
- Uskenboy ATEMOV
- Salom SAMADOV
- Abdulla XURSANOV
- Mahmudjon BOLTABOYEV
- Ra'no TURDIBOYEVA
- Sergey MUTIN
- Zarifa ERALIYEVA
- Azamat KAMOLOV

Bosh muharrir:
G'ayrat SHERALIYEV

Qabulxonasi:
(71) 233-64-95

Bosh muharrir o'rinbosari:
(71) 233-70-10

Mas'ul kotib:
(71) 233-90-82

Bo'lim muharrirlari:
(71) 233-38-23, (71) 233-48-08

E'lonlar va hisob-kitob bo'limi:
(71) 233-54-10

e-mail: toshkentaqiqati@umail.uz

Navbatchi muharrir:
Kumush EGAMBERDIYEVA

Mas'ul kotib:
Alloma AZIZOVA

Navbatchi:
Javlon HALILOV

Bosishga topshirish vaqti - 21.00.
Bosishga topshirildi - 21.50
Nashr ko'rsatkichi - 205.
Buyurtma G-535.
4 061 nusxada chop etildi.
Hajmi - 2 taboq. Ofset usulida bosildi. Qog'oz bichimi A-2.
Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan ro'yxatga olingan.

Manziliimiz:
111500, Nurafshon shahri,
Toshkent yo'li ko'chasi, 90.
Toshkent shahridagi ofsimiz: 100000,
Matbuotchilar ko'chasi, 32.
ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi.
Korxonasi manzili:
Toshkent shahri,
Buyuk Turon ko'chasi, 41-uy.
1 2 3 4 5 6